

Nalog supervizora ukida entitetske zakone i proglašava prestanak pravnog značaja međuentitetske granice u Brčko Distriktu

Supervizor za Brčko Susan Johnson izdala je nalog kojim se ukida sprovedba entitetskih zakona na području Brčko Distrikta i proglašava prestanak pravnog značaja međuentitetske granice u Distriktu.

Nalog proističe iz Konačne arbitražne odluke, koja predviđa ukidanje pravnog značaja međuentitetske granice u Brčko Distriktu i nalaže Distriktu i supervizoru da osiguraju da se to uradi, a da bi se to ostvarilo, zahtijeva da se entitetski zakoni koji se sprovode u Distriktu zamijene zakonima Distrikta koji se sprovode na obje strane međuentitetske granice.

Nalog navodi da svi zakoni Federacije i Republike Srpske kao i svih institucija koje su sastavni dio bilo kog Entiteta, odmah prestaju da imaju pravno djelovanje u Brčko Distriktu.

Sve dok ne budu donijeti novi zakoni Distrikta kojima će biti zamijenjeni ukinuti entitetski zakoni, postojeći zakoni Distrikta, države i Socijalističke Republike Bosne i Hercegovine koji se sprovode u Distriktu, dovoljni su da reguliraju oblasti djelovanja obuhvaćene entitetskim zakonima koje ovaj nalog ukida.

Entitetski zakoni navedeni u Aneksu ovog naloga supervizora biti će odmah preuzeti kao zakoni Brčko Distrikta i sprovoditi će se na cijelom području Brčko Distrikta. Ovi zakoni ostati će

na snazi sve dok ne budu izmijenjeni ili ukinuti od strane Skupštine Brčko Distrikta.